

世醫得效方卷第五終

世醫得效方卷第六

大方脉雜醫科

下痢

〔風證〕神朮散治胃經傷風自汗。小便難。下痢。方見咳嗽類
露宿湯治風痢純下清血。

杏 仁 七個去皮尖 苦木瘡 乙掌大 烏 梅 二個 草 果 一個 酸石榴皮 半個 青 皮 三個
甘 草 二寸

右剉散。作一劑。水二碗。生薑三片。煎七分。露星一宿。次早空腹服。

胃風湯治法藥件 並見瀉瀉類

〔寒證〕人參敗毒散治寒邪壯熱下痢。及所下似痢非痢。似血非血。色如濁酒者。加陳米百粒煎。見方

傷寒陽證類

不換金正氣散治臟腑受寒。下痢赤白。加烏梅陳米煎。方見時疫類

〔暑證〕六和湯治冒暑伏熱。致成痢疾。煩渴。小便赤澀。方見傷暑類

五苓散治同上。能分陰陽。利水道。方見傷暑類

藥皮湯治暑痢。方見泄瀉類

酒蒸黃連圓治伏熱瀉痢不止。用香薷散。燈心二十莖。車前草二根煎。吞服立效。方見後面及傷暑類

〔濕證〕加味除濕湯治一身盡痛重著。浮黃。下痢如豆羹汁。

半夏麴

厚

朴去粗皮薑汁製

蒼

朮炒各一兩

藿香葉

陳皮炒

茯苓

各五錢

粉草一錢

官桂

木

香各三錢

右剉散。每服四錢。水一盞半。生薑三片。紅棗二枚煎服。空心。仍以五苓散兼服。利其小水。

艾薑圓治濕冷下痢膿血。腹痛。婦人下血。

乾艾葉四兩炒焦存性

川白薑一兩炮

右爲末。醋煮麵糊圓。如梧子大。每服三十圓。溫米飲下。

苦散治脾受濕氣。泄痢不止。米穀不化。

黃

連去蠟剉如豆

吳茱萸

白芍藥剉如豆各二兩同炒令赤色

右剉散。每服二錢。水一盞。煎至七分。去滓溫服。

〔熱證〕小承氣湯治下痢赤黃。但煩飲冷。小便不利。得熱則極。心煩躁喜渴。先服一二服蕩之。須審

是實熱方可。次用五苓散加車前子。以利小便。黃連阿膠圓佐治之。即效。方見傷暑及咳嗽類

小柴胡湯治下痢赤白。心中煩躁。潮熱。加赤芍藥地榆麥門冬淡竹葉煎效。方見傷寒陽證類

敗毒散治同上。加陳米煎。方見傷寒陽證類

烏梅圓治下痢純血。臍腹絞痛。脉急大數。由腸胃久虛。或先經下血痢未止。服熱藥蘊毒伏熱。滲成

血痢。

烏梅二兩焙

黃連三兩

茱萸

當歸

酸石榴皮各一兩

右爲末。醋糊圓。如梧子大。每服三十圓。米飲湯下。更以意加減服。

地榆散治熱留腸胃。下痢鮮血。亦名潑火散。方見傷暑類

藥皮湯治熱證發熱下痢。方見泄瀉類

芍藥藥皮圓治一切濕熱惡痢。頻并窘痛。無問膿血。並宜服。

芍藥 黃藥各一兩 當歸 黃連各半
右爲末。水圓小豆大。溫水下三四十圓。無時候。及夜五六服。忌油膩脂肥發熱等物。熱痢大效。
三黃熟艾湯治傷寒四五日。大下熱痢。諸藥不止。宜服此除熱止痢。亦作圓子。熱水吞下四十圓。治時行毒痢良驗。

黃芩 黃連 黃藥各二分 熟艾半個雞子大
右剉散。每服三錢。水一盞。煎至七分。去滓溫服。不拘時。
酒蒸黃連圓治身熱下痢鮮血。煩躁多渴。或傷熱物過度。

黃連一斤去鬚 好酒二斤半
右用酒浸。瓦器盛。置甑上蒸至爛。取出曬乾。研爲末。用麵糊爲圓。如梧子大。每服三十圓。熱水吞下。又療傷酒過多。臟毒下血。大便泄瀉。用溫米飲下。食前一日兩服。
白頭翁湯治熱痢下血。連月不瘥。

白頭翁二兩 黃連 黃藥皮 秦皮各三兩
右剉散。每服四錢。水一盞半。煎至八分。不拘時溫服。

〔冷證〕當歸圓治冷痢。寒清腸鳴。所下純白。腹痛不止。手足冷者。宜服之。

當歸 白芍藥 附子炮 白朮 乾薑炮 厚朴製炒
阿膠粉炒各一兩 烏梅二兩
右爲末。醋糊圓。如梧子大。每服五十圓。米飲吞下。空心服。腹痛甚。加桂半兩。小便不利。加白茯苓一兩。

大凡痢疾。雖體寒手足逆冷。冷汗自出。六脉沉伏。不宜輕用附子。多因伏暑而得此疾。亦有冷汗自出。四肢逆冷。六脉虛弱。但背寒面垢。或面如塗油。齒乾煩冤。燥渴引飲。此伏暑證也。小柴胡湯五苓散酒蒸黃連圓必能奏效。學者宜審思耳。方見傷寒陽證傷寒類及見前
水煮木香圓治純下白痢。及淡紅黑痢。

罌粟殼二兩去蒂毫穰 訶子肉六錢 乾薑四兩 木香 青皮 陳皮
甘草各三錢 當歸 白芍藥各半兩

右爲末。煉蜜圓。如彈子大。每服一圓。熱水空心服。
豆蔻散治脾虛腸鳴。久痢不止。

大肉豆蔻一枚剉小孔子入乳香三小塊在內以麝香煨熟爲度去麝

右爲末。每服一錢。米飲調下。

附子理中湯正理中湯加炮附子每料一兩。朮附湯薑附湯治同上。方見霍亂中濕中暑類

玉華白丹治臟腑久虛下痢。空心米飲下。渴者人參湯下。亦治腸風下血。

震靈丹橘皮煎圓治同上。方並見痢冷及虛損類

鍾乳建脾圓治男子婦人虛損羸瘦。身體沉重。脾胃冷弱。飲食不消。腹脹雷鳴。泄瀉不止。又治腸虛積冷。下痢清穀。或下純白。腹中疝痛。及久痢赤白。腸滑不禁。少氣羸弱。不思飲食。並宜服之。

肉桂去粗皮

人參去蘆

黃連去蘆

乾薑

龍骨各一兩

蜀椒去目及閉口者微炒出汗三兩半

當歸去蘆

大麥蘖炒

石斛去根各一兩

附子炮去皮膽五錢

茯苓去皮

細辛去苗土

神麴碎炒

赤石脂各一兩

鍾乳粉半兩

右爲末。入鍾乳粉和勻。煉蜜爲圓。如梧桐子大。每服三十圓。食前溫米飲下。日三服。未效用三建湯吞金粟黃芽丹數粒。方見痢冷類

本香散治脾胃虛弱。內挾風冷。泄瀉注下。水穀不化。臍下疝痛。腹中雷鳴。及積寒久痢。腸滑不禁。

藿香葉洗焙四兩

赤石脂

附子去皮臍諸藥切焙各一兩

丁香

當歸去蘆焙

肉豆蔻仁

木香

甘草炙各二兩訶子皮一兩半

右剉散。每服二錢。生薑三片。棗子二枚煎。空心溫服。

五積散治內傷生冷下痢。加縮砂木香製粟穀炒阿膠大效。方見傷寒陰證類

椒艾圓治虛寒下痢不止。方見泄瀉類

四柱散治下痢又復泄瀉。耳鳴。手冷腹痛。加木香生薑棗子粟米煎。就調後藥。方見泄瀉類

赤石脂散治腸胃虛弱。水穀不化。泄瀉注下。腹中雷鳴。及冷熱不調。下痢赤白。腸滑腹痛。遍數頻多。

脇肋虛滿。胸膈痞悶。肢體困倦。飲食減少。

赤石脂 甘草炙各一兩二錢半肉豆蔻麝香煨令熱十兩縮砂仁五兩

爲末二錢。粟米飲調。

〔冷熱不調下痢〕真人養臟湯

香連圓治同上。二方並見泄瀉類

駐車圓治同上。方見後。已上三方用皆立效。

〔氣痢〕牛乳湯治氣痢泄如蟹渤。

草 撥二錢 牛乳牛升

右同煎減半。空腹服效。

木香流氣飲治同上。方見諸氣類

五膈寬中散治同上。方見五膈類

異香散治憂鬱氣滯不散。腹中膨滿刺痛。下痢不止。

蓬莪茂煨

益智仁

甘草炙

京三棱煨各六兩

青皮去白

陳

皮去白各三兩

石蓮肉一兩

厚朴薑汁浸炒二兩

右剉散。每服二錢。水一盞。薑三片。棗一枚。鹽一捻。煎七分。通口服。不計時。或鹽湯鹽酒亦可。

木香勻氣散治氣痢腹痛經驗。方見諸痢類

〔積痢〕治食積下痢。腹內緊痛。不進飲食。鹽梅湯或米飲多服。盧氏感應圓。或用蘇合香圓和圓。仍

用平胃散五苓散二末藥鹽湯空心服。調理立安。方見諸積中氣脾胃傷暑類

蠟置圓又名靈砂圓。治痢止水瀉。

礪砂一分研

辰砂一分研

巴豆三七粒去殼

黃蠟牛兩

右以二砂爲末外。將巴豆黃蠟銀石器內重湯煮一伏時。候巴豆紫色爲度。去十四粒。將七粒與

二砂末同研極勻。再鎔蠟置藥。每旋圓如菉豆大。每服三粒至五粒。水瀉生薑湯吞下。白痢艾湯。

赤痢烏梅湯。五更空心時服。服畢。一時不須吃食。臨臥服尤佳。

〔禁口痢〕敗毒散治心煩手足熱頭痛。此乃毒氣上衝心肺。所以嘔而不食。每服四錢。水一盞半。陳

倉米一百粒。薑三片。棗一枚煎。溫服。方見傷寒陽證類

眞料參苓白朮散治禁口痢。食飲不下。棗湯調效。方見脾胃類

又方用石蓮肉留心爲末。陳米飲下。

又方治心腹虛膨。手足厥冷。或飲過苦澀涼劑。晨朝未食先嘔。或聞食卽吐不思飲食。此乃脾胃虛

弱。山藥一味。剉如小豆大。一半銀石器內炒熟。一半生用。爲末米飲調下。自獲其功。

煨鯉魚方治禁口痢。

鯉魚撿去膽與腸肚。入白礬一大豆許同煨熟。入鹽醋吃。不過兩枚。與痢俱效。

〔休息痢〕加味養臟湯加炮附子青皮烏藥茯苓各五錢。治傷酒肉炙燂後發爲痢疾。休作無時。名

曰休息。生薑三片、紅棗二枚煎。方見瀉瀉類

神效散治休息痢氣痢。膿血不止。疼痛困弱。

當歸焙 烏梅肉 黃連

右等分爲末。研大蒜成膏。爲圓如梧子大。每服二三十圓。厚朴湯下。一方加阿膠。

妙五積散治同上。生薑三片、紅棗二枚、鹽梅一個、木香半錢煎。方見傷寒陰證類

駐車圓治冷熱不調。下痢赤白。日夜無度。腹痛不可忍者。及治休息痢疾大效。痢方之魁。

黃連去蠟 阿膠給粉炒 當歸去蠟洗 乾薑炮二

右爲末。醋煮米糊圓。如梧子大。每服五十圓。加至七十圓。空心米飲下。

秘方養臟湯治同上。方見後

大已寒圓虛冷者效。方見瀉瀉類

薑茶圓止休息痢大效。

乾薑炮 建茶各一兩

右以烏梅取肉圓。如梧子大。每服三十圓。食前米飲下。

〔毒痢〕茜根圓治毒痢及蟲注。下血如豚肝。心煩腹痛。又脉或大或小。浮焰而起。下血如豚肝。五內切痛。此因服五石湯圓。逼損陰氣。甚則其血自百脉經絡而來。注下成蟲毒。此爲難治。

茜根 川升麻去蘆 犀角 地榆 黃連 當歸去蘆

枳殼去穢 白芍藥

右等分爲末。醋糊圓。如梧子大。每五十圓。米飲空心下。

魚鮓湯治痢下五色膿血。或如爛魚腸。並無大便。腸中攪痛不可忍。呻吟叫呼。聲聞於外。

粉霜研 輕粉 朱砂研 礞砂研去砂石 白丁香各一錢 乳香半錢

巴豆二七個去殼不去油

右爲末。蒸棗肉爲圓。嬰孩三圓。如粟米大。二三歲四五歲。如麻粒大。每用三四圓。並旋圓煎鮓湯吞下。仍間服調胃藥。此證緣久積而成。故小兒多有之。

〔蟲疰痢〕羚羊角圓治下血黑如鷄肝色相似。時發渴者。

羚羊角一兩半 宣黃連二兩 白茯苓一兩 黃柏一兩半去黑皮

右爲末。煉蜜圓如桐子大。每服五六十圓。臘茶送下。病危者復生。若血鮮滑泄不固。欲作厥狀。此

藥不可服。當灸臍下氣海關元二穴。更服玉華白丹。方見瘡冷類

參附湯

人參

綿附炮去皮臍

肉豆蔻微火烘裂

右剉散。每服二錢。水盞半。生薑七片、棗二枚煎。食前服。

〔腹痛不止〕薑茶方治痢下腹痛。肚皮熱。手不可近。

右用生薑切碎。如粟米大。草茶相等。煎服效。又方煮茶。白痢用蜜。赤痢用薑。未效。用真人養臟湯。再加揚芍藥當歸立止。方見泄瀉類

香連圓治冷熱下痢。腹痛甚。肛門所泄皆熱。方見泄瀉類

木香勻氣散治宿冷不消。氣滯腹痛。用紫蘇湯調下。未效。用乳香沒藥湯調服。方見諸痢類

〔瘧痢〕六和湯治夏月冒暑。瘧痢俱作。瘧則間日而寒。戰掉煩躁難禁。當發瘧之時。痢或暫止。痢則腹痛。晝夜頻數。又胸滿乾嘔。食藥莫下。以此藥治之。用生薑三片、烏梅一個、紅棗二枚、麥門冬二十粒去心煎。仍間服香連圓。米飲下。未效。用五苓散消暑圓。仍多服加減清脾湯。更用勝金圓斷之。方見傷暑泄瀉中暑瘧瘧類

〔痢風〕加味敗毒散治痢手足拘攣疼痛。加檳榔木瓜。虛人五積散合和。生薑紅棗煎。方見傷寒陰證類

大防風湯祛風順氣。活血脉。壯筋骨。逐寒濕冷氣。又治患痢後脚痛痿弱。不能行履。名曰痢風。或兩膝腫大痛。脾脛枯腊。但存皮骨。拘攣跼臥。不能屈伸。名曰鶴膝風。服之氣血流暢。肌肉漸生。自然行履如故。

熟乾地黄焙

白朮各二兩

羌活去蘆

人參去蘆各一兩

川芎洗

附子炮去皮臍三個一兩半

防風去蘆二兩

牛膝去蘆酒浸切微炒一兩

川當歸洗去蘆酒浸焙炒二兩

黃芩去蘆微炒

杜仲去粗皮炒

白芍藥各二兩

甘草炙一兩

右剉散。每服五錢。水一盞半。生薑七片、大棗一枚。煎八分。空腹溫服。

郁李圓治痢後風手足不能屈伸。或麻豆證傳變。手足筋脉急。亦能治之。

郁李仁

枳殼

川獨活

鰲甲醋炙

右等分爲末。木瓜湯調下。酒亦可。

又方治脚手皆腫。不能行步。

川烏

赤芍藥

蒼朮酒浸

土朱

右爲末。糊圓如梧子大。引子同上。

〔通治〕木香散住腹痛痢。

南木香 五錢

地榆 一兩

黃連 七錢

青皮 去穢

赤芍藥

枳殼 煨去穢

乳香

甘草 各五錢

右爲末。每服二錢。熟湯調服。

黑豆散

小黑豆 炒

川練子

烏梅

甘草

乾薑

罌粟殼 二個去穢

右剉散。煎至七分。將紗濾過。捫自然汁。空腹服。

當歸散住瀉痢。

地榆

陳皮

罌粟殼 去穢

當歸 去尾

赤芍藥

甘草

肉豆蔻 煨

加黃連

右等分爲末。每服二錢。冷水調服。

獨神圓治痢神效。

罌粟殼 十兩重分作三分去穢及蒂專一分醋炒一分生用一分蜜炙

右爲末。用蜜圓如小指頭大。紅痢。生地黃春茶煎湯嚼下。白痢。烏梅甘草節。但爲末二錢。陳米鹽梅湯亦效。

神應散治痢緊嚴絕妙。

金罌草 梗

肉豆蔻

訶子

罌粟殼 去蒂

地榆

甘草

當歸 去尾

茯苓

白朮

枳殼 去穢

烏梅 各一兩

丁皮

木香 住痛各五錢

陳皮 一兩取紅生血若紅痢勿用

右爲圓或末。五花痢用春茶陳皮煎湯下。如是末。用蜜一匙。春茶烏梅煎湯調服。

又方

金罌華葉及子

罌粟殼 去穢及蒂專醋炒

右爲末。用蜜圓如手指大。湯引同上。

秘方養臟湯治五色痢經驗。

陳皮 去白

枳殼 去穢

黃連 去穢

南木香

烏

梅 去核各五錢重

罌粟殼 去穢膜蜜炒一兩半

厚朴去粗皮 杏仁去尖 甘草各五錢重
右剉散。五色。黑豆。棗子煎。紅痢。生地黃。春茶。甘草。節煎服。五色久不效。加龍骨。赤石脂。人參。揚芍藥。各一兩。爲末。蜜圓。烏梅。甘草湯下。粟米飲亦可。立效。
大阿膠圓治發熱下痢。腹痛至甚。肛門痛欲絕者。

當歸 阿膠炒 豆蔻煨 龍骨 赤石脂 大艾
黃連各半兩 木香 乳香別研五錢 白礬枯一分

右爲末。鹽梅肉圓。每服三十圓。如梧子大。陳米飲下。
四物湯治血痢。方見婦人科通治類

駐車圓治同上。方見前

九聖圓治下痢赤白。日夜無度。裏急外重緊痛。服之特效。

罌粟殼去蒂膜米醋炒一兩重

川烏炮去皮臍

黃連去鬚

南木香

北赤石脂

枯礬

肉豆蔻火煨

乾薑

白茯苓去皮各五錢重

右爲末。醋煮陳米粉糊爲圓。梧桐子大。每服五十圓。空心米飲下。腹痛不止。當歸乳香湯下。又名

緊皮圓。

立效散治同上。

罌粟殼六兩去蒂膜礬蜜炒赤

當歸一兩

芍藥

榴皮

地榆各二兩

甘草一兩

右剉散。每服三錢。水一盞同煎。溫服。

大斷下圓治久痢不止。方見泄瀉類

沒石子圓治臟氣虛弱。大腸滑泄。次數頻併。日漸羸瘠。不進飲食。或久患赤白痢脾瀉等疾。並皆治之。

白朮

白茯苓各三錢

白薑切作片略炒

訶子紙裹炮取皮

赤石脂別研

丁香不見火各二錢

肉豆蔻麵裹炮

沒石麵裹炮

右和勻。用湯泡蒸餅爲圓。小梧桐子大。每服三四十圓。米飲吞下。粥食前一日三四服。棗肉圓亦可。

荊芥湯治白痢血痢。或婦人血崩。

荆芥

楮樹皮

右等分剉散。治血崩。每服二錢。水一盞。煎至七分。去滓放溫服。如血痢。則爲末冷醋調。徐徐呷服。白痢熱醋調下。神效不可具述。

香茸圓治下痢危困。

麝

半錢別研
臨時入

鹿

茸一兩火療
去毛酥炙

右鹿茸爲末。方入麝香。以燈心煮棗肉圓。如梧子大。每服五十圓。空心服。每料加滴乳香半兩尤效。有人苦痢疾。凡平時所用罌粟殼之類。不可向口。往往不救而死。唯服此等藥或沒石子圓作效。

平胃散治血痢。

右秤一兩。入川續斷粗末二錢半拌勻。每服二錢。水一盞。煎七分服。方見脾胃類

檮白皮散治下痢諸藥不效。

檮白皮一握。粳米五十粒。葱白一握。甘草一二寸。豉二合。水一升。取半升頓服。小兒量大小加減。百中散治一切痢不問赤白。或一日之間一二百行。不一服便疏。再二三服卽愈。

罌粟殼二兩半去上下蒂及穢到
成片子蜜炒令赤色淨秤

厚

朴二兩半去粗皮淨秤用生薑
汁淹一宿炙令薑汁盡爲度

右爲末。每服二三錢。米飲調下。忌生冷油膩魚鮓毒物。

酸石榴皮散治同上。

石榴皮

陳皮

甘草

川當歸

罌粟殼去蒂專穢
各半兩

右剉散。用水十盞。煎取三盞。次用下藥。

茯苓七分

粉草七分

北五味子七個

右爲末。將前藥汁入此三味。再煎五七沸。去滓空心溫服。甚者不過兩劑。輕者一劑立效。乳香散治痢疾甚者數服止。

人參

白朮

當歸

地榆

阿膠各一
分

蚌

粉炒黃

甘草錢各一

乳香少許

肉豆蔻二個麝
裹煨

右剉散。每服三錢。水一盞。煎至七分。去滓溫服。仍兼服來復丹。方見痢
冷類

加減木香煮散治一切痢神妙。

木香

甘草

當歸

肉豆蔻

人參

官桂

楊芍藥

訶子

烏梅去核

阿膠蛤粉炒

白茯苓各五錢

罌粟殼一兩半去蒂
粳米切蜜炒

右剉散。每服四錢。水一盞半。生薑三片、紅棗二枚同煎。去滓空腹服。加味四君子湯治久患痢疾。服藥已多。而疾不愈。且治痢多是攻擊臟腑之藥。轉覺難安。宜用輕清和氣之藥即愈。

人參

白朮

白茯苓

川芎

黃耆

甘草

罌粟殼製同上

右各等分剉散。每服三錢。水一盞半。生薑三片、棗子一枚、烏梅一個煎。溫服。蒲黃散治婦人胎前產後赤白痢。

生薑自然汁

年少者十兩
老者二十兩

鴨

子一個打碎入
薑汁內攪勻

右二味煎至八分。入蒲黃三錢。煎五七沸。空心溫服效。

又方治痢無問赤白。

玄胡索不以多少。新瓦上炒過。爲末。每服二錢。米飲調下。只一服取效。

又方治暑毒濕氣下痢。

雄黃一味。乾蒸。研爲末。甘草湯調服即效。

灸法 泄痢食不消。不作肌膚。灸脾膈隨年壯。其穴在第十一椎下兩傍各去一寸半。

泄痢不禁。小腹絞痛。灸丹田百壯。其穴在臍下一寸。又灸臍中一二十壯。灸關元穴百壯。

泄痢不嗜食。雖食不消。灸天樞三報。穴在俠臍相去五寸。一名循際。

秘澀

〔小便不通熱證〕八正散治心經邪熱。小便赤澀不通。加燈心枳殼車前草地膚子煎。方見積熱類。
所加並半兩。

五苓散治小便不通。壅上心滿。燈心十莖。車前草二根煎湯調。方見傷
暑類。

通心飲治心經有熱。昏焦面赤發熱。小便不通。每服四錢。水一盞半。燈心十莖。滑石末一匕。麥門冬

二十粒。桑白皮七寸煎。去滓。再入生車前草汁一合攪勻服。方見小方
科諸熱類。

瓜蒌散治腹脹小便不通。

瓜蒌仁不以多少。爲末。每服三錢。溫酒調。不飲。用米湯頻服。通爲度。

〔虛證〕八味圓治腎虛小便秘澀不通。或過服涼藥者。每服五十圓。溫鹽湯下立效。方見虛損類
附子散治小便不通。兩尺脉俱沉微。乃陰虛故也。用淋閉通滑之劑不效者。

綿附子一兩重炮去皮鹽水內浸良久 澤瀉不蛀者一兩重

右剉散。每服四錢。水一盞半。燈心七莖煎。隨通而愈。

琥珀散治老人虛人心氣閉塞。小便不通。

琥珀一味。爲末。每服一錢。濃煎人參湯下。有驗。

利氣散治老人氣虛。小便閉塞不通。

綿黃耆去蘆 陳皮去白 甘草各等分

右剉散。每服三錢。水一盞煎服。自然流通。

參耆湯治心虛客熱乘之。小便澀數。數而瀝。

赤茯苓七分 生乾地黃 綿黃耆去蘆 桑螵蛸微炙 地骨皮去骨各半兩 人參去蘆

北五味子去梗 兔絲子酒浸研 甘草炙各二錢半

右剉散。每服新水一盞煎。臨熟入燈心二十一莖。溫服。

〔轉胞〕滑石散治胞爲熱所迫。或忍小便。俱令水氣迫於胞。屈辟不得充張。外水應入不得入。內洩應出不得出。小腹急痛。不得小便。小腹脹。不治害人。

寒水石二兩 白滑石一兩 葵子一合 亂髮灰 車前子 木通去皮節各一兩

右剉散。水一斗。煮取五升。時時服一升卽利。

八味圓治虛人下元冷。胞轉不得小便。膨急切痛。經四五日。困篤欲死。每服五十圓。鹽湯下。方見虛損類

葱白湯治小便卒暴不通。小腹膨急。氣上衝心。悶絕欲死。此由暴氣乘膀胱。或從驚憂。氣無所伸。鬱閉而不流。氣衝胞繫不正。

陳皮三兩 葵子一兩 葱白二莖

右剉散。水五升。煮取二升。分三服。

洗方治胞轉小便不能通。先用

良薑 蔥頭 紫蘇莖葉各一握

右煎湯。密室內熏洗小腹外腎肛門。留湯再添。蘸綿洗。以手撫於臍下。拭乾。綿被中仰坐垂脚。自舒其氣。次用

蜀葵子二兩半

赤茯苓

赤芍藥

白芍藥各半兩

右剉散。每服三錢。煎取清汁。再暖。乘熱調蘇合香圓三圓。并研細青鹽半錢。食前溫服。

又法炒鹽半斤。囊盛熨小腹。

葱熨法治小便難。小腹脹。不急治殺人。用葱白三斤。細剉炒令熟。以帕子裹。分作兩處。更替熨臍下即通。

〔大便不通風秘〕脾約麻仁圓治風秘脾約證。小便數。大便秘。

大黃

赤芍藥

枳殼炒各一兩

厚朴半兩薑汁炒

麻仁一兩別研

杏

仁去皮尖一兩別研

右爲末。煉蜜圓如梧子大。每服三十五圓。溫水吞服。枳殼散溫水調送下尤妙。方見婦人科護胎類

皂角圓專治有風人臟腑秘澀大效。

豬牙皂角

厚枳殼去穢

羌活

桑白皮

檳榔

杏

仁製同上另研

麻仁別研

防風

川白芷

陳皮去白

右等分爲末。蜜圓如梧子大。每服三十五圓。溫水吞下。蜜湯亦可。又方皂角圓治大腸有風。大便秘結。尊年之人宜服。

皂角炙去子

枳殼去穢麴炒

右等分爲末。煉蜜圓如梧子大。每服七十圓。空心食前。米飲送下。

疏風散治風毒秘結。

枳殼製半兩

防風

羌活

獨活

檳榔

白芷

威靈仙

蒺藜炒赤去刺

麻仁炒另研

杏仁湯洗去皮尖炒另研

甘草炙各一兩

右剉散。每服二錢半。生薑五片。蜜一匙。水一盞半煎服。

枳殼圓治腸胃氣壅風盛。大便秘實。

皂角去皮弦炙

枳殼炒

大黃

羌活

木香

橘紅

桑白皮

香白芷各等分

右爲末。煉蜜圓如梧子大。每服七十圓。空心米飲下。

又方只用枳實皂角等分爲末。飯飲爲圓亦妙。治法湯引同上。

順氣圓治三十六種風。七十二般氣。上熱下冷。腰脚疼痛。四肢無力。惡瘡下疳。疏風順氣。專治大腸秘澀。眞良方也。

大黃 五兩半生用
牛濕紙裹煨

山藥 刮去皮
二兩

山茱萸肉

麻子仁 微炒退殼
二兩另研 郁李仁 炮去
皮研

兔絲子 酒浸
炒

川牛膝 酒浸一宿
各二兩

防風

枳殼 炒

川獨活 各一
兩

檳榔 二兩

車前子 二兩
半

右爲末。煉蜜爲圓。如梧桐子大。每服二三十圓。用茶酒米飲任下。百無所忌。平旦臨臥各一服。久服自然精神强健。百病不生。

搜風散治大便秘結。

青皮 去白

威靈仙 去頭洗
各二兩

大黃 一兩
生

大戟 一兩

牛蒡子 四兩新
瓦上炒

右爲末。每服一錢。人壯實每服三錢。蜜酒調服畢漱口。

二仁圓專治虛人老人風秘。不可服大黃藥者。

杏仁 去皮尖
微炒黃

麻仁 各另
研

枳殼 去穢
炒赤

訶子 慢火炒
搗去核

右等分末。煉蜜圓如梧子大。每服三十圓。溫水下。

〔氣秘〕三和散 方見諸
氣類

四磨湯治氣滯腹急。大便秘澀。

大檳榔

沉香

木香

烏藥

右四味於搗盆內各磨半盞。和勻溫服。有熱者加大黃枳殼。名六磨湯。

蘇子降氣湯治氣不下降。大便不通。加枳殼杏仁。 方見諸
氣類

橘杏圓治氣秘。老人虛弱人皆可服。

橘紅 取末

杏仁 湯浸去皮
尖另研

右各等分。煉蜜圓如梧子大。每服七十圓。空心米飲下。

蘇麻粥此藥順氣滑大便。

紫蘇子

麻子仁

右二味不拘多少。研爛水瀝取汁。煮粥食之。

小通氣散治虛人憂怒傷肺。肺與大腸爲傳送。致令秘澀。服燥藥過。大便秘亦可。用。

陳皮 去白

蘇嫩莖葉

枳殼 去穢

木通 去皮
節

右等分剉散。每服四錢。水一盞煎。溫服立通。

〔積滯秘結〕脾積圓治飲食停滯。腹脹痛悶。嘔惡吞酸。大便秘結。

蓬莖朮三兩 京三棱二兩

良薑半兩 已上用米醋一升於

青皮去白

楠木香半兩

不蛀皂角三大錢

機存性

百草霜村莊家鍋底者佳

右末用川巴豆半兩。只去殼。研如泥。漸入藥末研和。麵糊圓。麻子大。每服五十圓。加至六十圓。橘皮煎湯送下。

木香逐氣圓治食積氣滯。通利大便。兼治脚氣小腸氣。諸氣攻刺腹痛。

橘紅皮去白

檳榔雞心者各半兩

楠木香二錢

川巴豆肉一錢半 研如泥漸入藥末研

右爲末。生薑自然汁調神麴末爲糊圓。如麻子大。每服十圓。薑湯下。如氣攻腹痛。枳殼木瓜煎湯下。

感應圓治飲食所傷。三焦氣滯。大便秘澀。

百草霜用村莊家鍋底上者細研二兩

新揀丁香一兩

杏仁去雙仁陳肥者一百四十個去尖湯浸一宿去皮別研極爛如膏

楠木香去蘆頭二兩半

肉豆蔻去粗皮用滑皮仁二十個

川乾薑炮製一兩

巴豆七十個去皮心膜研細出盡油如粉

右除巴豆粉百草霜杏仁三味外。餘四味擣爲末。與三味同拌研令細。用好蠟置和。先將蠟六兩溶化作汁。以重綿濾去滓。更以好酒一升於銀石器內煮蠟。溶滾數沸傾出。候酒冷。其蠟自浮於

上。取蠟秤用。凡春夏修合。用清油一兩。於銚內熬令末散香熟。次下酒煮蠟四兩化作汁。就鍋內乘熱拌和前項藥末。秋冬修合。用清油一兩半。同煎煮熱作汁。和蠟置藥末成劑。分作小錠子。以油單紙裹之。旋圓服餌。

〔虛秘〕半硫圓治年高冷秘。及痲痺冷氣。

生硫黃 半 夏 等分

右爲末。生薑自然汁煮麵糊爲圓。如梧子大。每服三十圓。空心飯飲下。酒亦可。

金液丹治大便挾冷結滯。用麻仁杏仁煎湯下。傷寒陰結亦用。方見癰冷類

威靈仙圓治年高氣衰。津液枯燥。大便秘結。

黃耆蜜炙 枳實 威靈仙

右等分爲末。用蜜圓如梧子大。每服五七十圓。薑湯熟水下。一方用防風。無黃耆。忌茶。

五仁圓治精液枯竭。大腸秘澀。傳導艱難。

桃仁 杏仁炒去皮各一兩 柏子仁半兩 松子仁一錢二分 郁李仁一錢 陳皮四兩另爲末

右將五仁別研爲膏。入陳皮末研勻。煉蜜爲丸。如梧子大。每服五十圓。空心米飲下。

潤腸圓治發汗利小便。亡津液。大腑秘。老人虛人皆可服。

沉香另研一兩 肉蓯蓉酒浸焙二兩

右爲末。用麻子仁汁打糊爲圓。如梧子大。每服七十圓。空心米飲送下。

又方治大便秘澀。連日不通。

麻子仁一盞半細研用水浸漚去皮取濃汁

脂麻半盞微炒用

桃仁湯洗去皮研如泥

荆芥穗搗末各一兩

右用前藥。入鹽少許同煎。可以當茶飲之。以利爲度。

葱白散治老人大便不通。

葱白二莖 阿膠一片

右以水煎葱。候熟不用。却入阿膠溶開。溫服。

胃氣圓治老人胃寒氣怯。大便反秘。每服五十丸。米飲空腹下。未效。生薑自然汁著熱水少許吞下。

方見霍亂類

黃耆湯治年高老人大便秘澀。

綿黃耆 陳皮去白各半兩

右爲末。每服三錢。用大麻仁一合爛研。以水投取漿水一盞。漚去滓。於銀石器內煎。候有乳起。即入白蜜一大匙。再煎令沸。調藥末空心食前服。秘甚者。不過兩服愈。常服即無秘澀之患。此藥不冷不燥。其效如神。

〔熱秘〕神功圓治氣壅風盛。大便秘澀。後重疼痛煩悶。此藥當量虛實加減。

大黃四兩煨 人參二兩 訶子皮四兩 麻仁二兩另研

右爲末。煉蜜丸如梧子大。每服二十九。溫湯酒米飲任意下。食後臨臥服。

檳榔圓治大腸實熱。氣壅不通。心腹脹滿。大便秘結。

檳榔 大黃蒸 麻子仁炒去殼別研 枳實麸炒 羌活去蘆 牽牛炒

杏仁去皮尖炒 白芷 黃芩各一兩 人參半兩

右爲末。煉蜜丸如梧子大。每服四十丸。空心熟水下。

四順清涼飲治同上。每服三錢。水一盞半。燈心十莖。枳殼十片去穰煎。立效。方見積熱類

小三黃圓治熱證大便秘結。每服三十圓。溫水下。方見積熱類